

Soalan pemahaman:

Berdasarkan teks, jawab soalan-soalan berikut.

Menulis **Awasi Si Comel**

Rubini tidak hadir ke sekolah, Farisha bertanya khabar tentang Rubini melalui aplikasi Telegram.

Salam sejahtera, Rubini, mengapakah kamu tidak hadir ke sekolah?

Salam sejahtera, Farisha. Saya rasa mual dan tiba-tiba muntah. Saya juga demam dan menggigil serta sukar untuk bernafas. Setelah pemeriksaan doktor, saya disyaki dijangkiti penyakit toksoplasmosis. Ini risalah yang diberikan oleh doktor. Kamu lihat dan bacalah.

Toksoplasmosis

- Penyakit bawaan kucing. Sejenis parasit atau bakteria yang boleh menjangkiti pembela kucing atau orang sekitar.
- Bakteria ini ada pada kuku, air liur dan najis kucing. Kucing membersihkan badannya dengan menjilat dirinya. Maka, bakteria toksoplasmosis akan ada pada bulu kucing.

Saya sangat suka akan kucing. Apakah yang perlu saya lakukan?

Nasihat doktor, elakkan memberi kucing daging mentah. Basuh tangan selepas memegang kucing. Sediakan tempat khas untuk kucing di luar rumah. Selain itu, bawa kucing berjumpa dengan doktor haiwan untuk pemeriksaan berkala.

Saya ada mendengar tentang cara potongan singa untuk bulu kucing. Adakah itu satu cara menjaga kebersihan kucing?

Ya, Farisha. Cara potongan singa boleh mengurangkan keguguran bulu kucing. Selain itu, mudah untuk kucing dibersihkan.

1. Bagaimanakah cara untuk mengurangkan keguguran bulu kucing?

2. Apakah toksoplasmosis?

3. Mengapakah Farisha tiba-tiba berasa mual dan muntah?

4. Di manakah bakteria ini boleh didapati?

Soalan pengukuhan:

Baca petikan di bawah, kemudian jawab soalan-soalan berikutnya.

Menemui sahabatku Amir, semoga saudara berada dalam keadaan sihat sejahtera. Saya dan keluarga sihat-sihat sahaja.

Saudara,

Saya ingin menceritakan tentang kepentingan menjaga kesihatan dan kebersihan. Pertama sekali, kita perlu mandi sekurang-kurangnya dua kali sehari setiap hari supaya badan sentiasa bersih. Selain itu, kita mestilah menggosok gigi sekurang-kurangnya dua kali sehari dan mencuci tangan sebelum makan. Amalan ini dapat mengelakkan kita daripada mendapat penyakit.

Di samping itu, kita juga perlu menjaga kebersihan persekitaran. Kita hendaklah membuang sampah ke dalam tong sampah dan membersihkan kawasan rumah serta bilik darjah. Persekitaran yang bersih akan menjadikan hidup kita lebih selesa dan sihat.

Setakat ini sahaja yang dapat saya tulis untuk saudara. Akhir kata, jagalah kesihatan dan kebersihan diri selalu.

Sekian, terima kasih.